

Na osnovu člana 69. stav (1) tačka d) i člana 72. Zakona o visokom obrazovanju ("Službene novine Kantona Sarajevo", broj: 36/2022), člana 104. stav (2), 107. stav (1), 110. i 111. st. (1), (2) i (3) Statuta Univerziteta u Sarajevu (broj: 01-1093-3-1/18 od 28.11.2018. godine) i Odluke Vijeća Fakulteta političkih nauka Univerziteta u Sarajevu (broj: 02-1-745-1/23 od 30.05.2023. godine) Vijeće organizacione jedinice Univerzitet u Sarajevu - Fakultet političkih nauka, objavljuje

**JAVNI KONKURS**  
**za izbor dekana (rukovodioca organizacione jedinice)**  
**Univerziteta u Sarajevu - Fakulteta političkih nauka za mandatni period 2023 – 2027.**

**I**

Za dekana (rukovodioca organizacione jedinice) Univerzitet u Sarajevu - Fakulteta političkih nauka može biti izabran kandidat koji treba da ispunjava sljedeće uvjete:

1. da je u radnom odnosu sa punim radnim vremenom na organizacionoj jedinici Univerzitet u Sarajevu - Fakultet političkih nauka;
2. da je iz reda akademskog osoblja izabranog u naučnonastavno zvanje redovni profesor ili vanredni profesor;
3. da je član Vijeća organizacione jedinice Univerzitet u Sarajevu - Fakultet političkih nauka;
4. da nije predsjednik ili član Upravnog odbora Univerziteta u Sarajevu;
5. da nije politički angažiran u stranačkom rukovodstvu, zakonodavnoj, izvršnoj ili sudskoj vlasti bilo kojeg nivoa i sindikalnim organizacijama za vrijeme trajanja mandata;
6. da nije osuđivan za krivično djelo ili da se protiv istog ne vodi krivični postupak.

Dekan (rukovodilac organizacione jedinice) se bira na mandatni period od četiri godine, sa mogućnošću još jednog uzastopnog izbora.

**II**

Uz prijavu na javni konkurs zainteresirani kandidati dužni su priložiti:

1. Biografiju (CV) sa bibliografijom;
2. Opis naučnog i stručnog rada;
3. Program rada za mandatni period (štampana i elektronska forma);
4. Odluku Senata Univerziteta u Sarajevu o izboru u naučnonastavno zvanje redovnog profesora ili vanrednog profesora (posljednji izbor u naučnonastavno zvanje) na organizacionoj jedinici Univerzitet u Sarajevu - Fakultet političkih nauka (Original ili ovjerena kopija originala);
5. Potvrdu da je u radnom odnosu s punim radnim vremenom na organizacionoj jedinici Univerzitet u Sarajevu - Fakultet političkih nauka izdata nakon objavljivanja Javnog konkursa u dnevnim novinama (Original ili ovjerena kopija originala);
6. Potvrdu da je član Vijeća na organizacionoj jedinici Univerzitet u Sarajevu - Fakultet političkih nauka;

Kandidati su obavezni potpisati prijavu na konkurs, biografiju sa bibliografijom i program rada za mandatni period.

Kandidati koji ispunjavaju uvjete za izbor dekana (rukovodioca organizacione jedinice), javno će prezentirati ponuđeni program rada na sjednici Vijeća Fakulteta političkih nauka Univerziteta u Sarajevu.

Kandidat koji bude izabran dužan je dostaviti:

Potpisane i ovjerene izjave od strane nadležne općinske službe ili notara, kojima kandidat potvrđuje:

- a) da nije politički angažiran u stranačkom rukovodstvu, zakonodavnoj, izvršnoj ili sudskoj vlasti bilo kojeg nivoa i sindikalnim organizacijama;
- b) da nije predsjednik ili član Upravnog odbora Univerziteta u Sarajevu;
- c) Uvjerenje da nije osuđivan za krivično djelo i da se protiv istog ne vodi krivični postupak;
- d) ovjerenu izjavu da se na istog ne odnosi član IX. stav (1) Ustava Bosne i Hercegovine.

**III**

Konkursna dokumentacija se dostavlja u originalu ili ovjerenoj fotokopiji.

Prijave sa potrebnom dokumentacijom sa naznakom "*PRIJAVA NA JAVNI KONKURS ZA IZBOR DEKANA (RUKOVODIOCA ORGANIZACIONE JEDINICE) - NE OTVARAJ, OTVARA KOMISIJA*", mogu se dostaviti lično (kancelarija broj: 48) ili preporučenom poštom, u zatvorenoj koverti na adresu: *FAKULTET POLITIČKIH NAUKA UNIVERZITETA U SARAJEVU, Skenderija 72, 71 000 Sarajevo*.

**IV**

Konkurs je objavljen dana 01.06.2023.godine, u dnevnom listu "Dnevni avaz", na web stranici Univerziteta u Sarajevu [www.unsa.ba](http://www.unsa.ba) i na web stranici Fakulteta političkih nauka Univerziteta u Sarajevu [www.fpn.unsa.ba](http://www.fpn.unsa.ba) Rok za prijavu je 15 dana od dana objavljivanja u dnevnom listu "Dnevni avaz". Nepotpune i neblagovremene prijave neće se uzimati u razmatranje. Konkursna dokumentacija neće se vraćati.

Kontakt osoba: Umihana Mahmić, tel.: 033 203 562, e-mail: [umihana.salcin@fpn.unsa.ba](mailto:umihana.salcin@fpn.unsa.ba)